

欽定剿平粵匪方略

欽定剿平粵匪方略卷一百九十二 戊午年

四月初二日

丁未

和春奏言金陵賊巢經

剿三月初二等日南門一帶突出悍匪撲營張  
國樑派戴文英等迎截斃賊無數餘皆奔潰七  
橋壟又出賊數千我軍三面兜圍該逆紛紛竄  
匿戴文英追抵外濠燒燬更樓數座斃賊千餘  
名我軍復設伏誘賊李若珠等從間道直抵賊

巢張國樑督隊迎擊直薄南門斃匪甚多雨花  
臺印子山出賊五六千我軍四面兜殺該逆抵  
死抗拒戴文英槍斃黃衣騎馬賊二名張國樑  
親督王浚等抄截賊屍枕藉水西門又出賊二  
千餘均經擊敗共計斃賊二千餘名砍取首級  
三百餘顆剝辦尙爲得手所有陣亡之儘先守  
備戴顯文等懇

恩飭部從優議卹以慰忠魂奏入

上諭內閣曰此次官軍進攻金陵逆巢大獲勝仗著和春等乘此聲威迅拔堅城盡殲醜類陣亡之儘先守備戴顯文儘先千總楊興發升用守備錢國恩外委劉文學儘先外委王鴻才五品藍翎唐開泰均著交部從優議卹

同日王懿德慶端奏言據臬司保泰等稟江右

逆匪於二月十六日猝由岑陽關攻入滋擾經  
崇安縣知縣莫自逸等督兵殲斃賊目數名賊  
匪數十名該逆分竄浦城松溪地方建陽麻沙  
等處土匪乘機復熾浦城松溪等縣於二十一  
二十九等日先後淪陷其界連松溪之政和一  
縣萬分危急該臬司等迅調各軍馳赴浦城攻  
剿並防回竄崇安嚴扼建陽又調兵二百餘名

疾趨松溪政和一帶救援其崇安縣之分水各  
關兵力尙單難資堵禦請添調勁旅赴援等情  
查浦城界連浙省旁通松溪先經嚴飭浙江衢  
州鎮總兵饒廷選督兵力扼要隘一面飛飭遊  
擊袁良統帶福甯兵六百名前赴政和松溪一  
帶會剿一面添調省兵六百名分駐屏南福安  
扼守另調海壇兵三百名赴壽甯甯德福安等

縣毗連之稠嶺地方確探松溪政和賊勢猖獗  
復抽撥各鎮標兵共一千八百名飭赴建甯由  
臬司保泰護理建甯鎮總兵馬玉元等統領相  
機堵剿期與饒廷選等軍兩面夾攻速殲醜類  
王懿德又奏言江右逆匪猖獗閩省邵建各府  
屬地方逼近寇氛現在邵屬黃土等關逆匪屢  
圖窺竄代理邵武府知府匡開益已親赴關隘

賊聞風震怖三月初六日德興阿派副將余成  
蛟等馳往會勦立將賊壘蹋平鄭魁士督令惠  
成等進紮和城各門及河村鋪後路扼要堵紮  
探聞含山所屬南義等處股匪竄撲含城於初  
九日親督隊伍馳至該縣十五日大隊進勦將  
南義等處踞賊勦洗淨盡含境肅清卽飭遊擊  
聶桂榮等移紮昭關以扼北竄十三日鄭魁士



督隊抵巢縣東門外放王岡分路進攻誘賊於姚廟岡敗之東門城內忽出賊千餘來援我軍乘勢壓下復斃賊約二百餘人逆衆敗奔鄭魁士察看巢縣一時未可驟下當卽折回廬州以固根本擬俟賊勢稍定再圖進取至和春咨會請調湖北提督德安赴廬更換該鎮應俟德安到後再行交卸前往金陵奏八報

同日晏端書奏言該逆竄徧衢州經福興等分  
兵擊之血戰竟日斃賊極多周天受等又敗賊  
於樟樹潭楊家山等處惟查衢郡之東南爲通  
遂昌八處州之路臨山溪口橫路全旺等處均  
係入龍游僻徑石逆近糾黨圍撲樟樹潭分撲  
東門浮石渡等處福興周天受所請援師准和

春派明安泰一軍計日可抵衢郡又派參將和  
順等各勇共一千餘名自金陵拔隊而來臣已  
陸續迎提前進張芾又派都司馬元鎮滬勇四  
百餘名周天受飭赴安仁街紮營捍衛龍游至  
遂昌一路周天受無兵可分轉請福興酌派兵  
六百名前往防守而慶元龍泉等縣又與浦城  
松溪政和毗連賊氛逼近臣已飛請督臣王懿

德迅籌一旅之師星夜取道溫州前來爲內外夾擊之舉再以衢郡形勢而論常山江山係西南兩重門戶欲守常山江山必先守江西之玉山廣豐本年正月間江西臨江敗匪從進賢東鄉竄擾貴溪安仁金谿又引撫建之賊東竄河口福興自河口弋陽回守信郡知照饒廷選移軍玉山駐紮惟廣豐江山無兵駐守臣當飭胡

定國一軍馳赴廣豐楊國正一軍馳赴江山分別防勦迨賊圍廣豐胡定國入城力守饒廷選等往援失利仍退守玉山其時廣信之賊歸併廣豐直竄江山而城池告陷矣饒廷選以衢防空虛先從玉山馳回布置不數日而賊已來臣前此以衢州兵單飛咨耆齡撥兵助勦又飛請速撥五千人前來就餉如果該省早發援師會

同福興合力截勦何至浙省遭此貼危饒廷選  
知廣豐業已解圍飛飭胡定國一軍繞道回衢  
並於甯國指調都司陳大富一軍併歸周天受  
調遣以厚兵力前由該鎮道稟請福興指調李  
元度一軍來衢會勦初不知福興之親督赴防  
竊思此次福興自廣信至浙謂貴溪弋陽撫州  
均無賊蹤是以帶官兵六千七百餘人來浙現

復調參將劉芳貴一軍兵數已及八千不但廣  
玉兩防空虛且大兵盡在衢州於常開二縣業  
已隔絕現探該二縣均有賊蹤開化有警則婺  
源戒嚴且青陽又有股匪竄竄陵陽鎮徽防僅  
存兵勇一萬以之分布實已竭蹶萬分張芾因  
主將無人調江長貴馳回督辦然徽境雖屬兵  
單而有張芾節制之師尙不爲無備若賊由常

山回竄玉山廣信或建昌之賊傾巢併竄玉山  
廣信則該府縣存兵無多何以擋拄其勢必至  
廣衢兩防盡爲賊地前准福興來函謂耆齡曾  
有以長左仁右衡同等營調赴東路之信該將  
軍三次催提尙無拔營消息福興本係會辦江  
西軍務周天受雖係辦理皖南軍務卽屬辦理  
浙江軍務是福興爲客而周天受爲客中之主



臣欲整飭三衢敗衄之師所以請周天受節制者實與臣親臨節制無異臣此時惟有咨請福興周天受一俟東北兩路布置完竣卽步步爲營勦出西南先使衢郡附近肅清然後福興仍統帶援兵進勦常山分守玉山廣信周天受從江山一帶進勦廣豐但刻下衢州官兵雲集石逆不得逞志於衢必將潛竄金嚴現在金華縣

民國已有二萬又得余萬清回籍辦理益以提  
標各兵足資抵禦若嚴州則守禦空虛現設後  
路糧臺倍形喫重大營續派之和順龐大文兩  
隊昨日過杭臣卽令其暫在嚴州駐紮以備策  
應奏入

上命軍機大臣傳諭福興耆齡晏端書曰衢州官兵雖  
屢次獲勝而賊勢未衰內犯之路處處可虞福興若

祇知保守衢州不思杜其旁竄之路必至貽誤大局  
晏端書以廣信玉山空虛常山開化二縣業已隔絕  
前次諭旨早經慮及此時福興惟當將東北兩路趕  
緊布置與周天受饒廷選等督率兵勇節節進剿俟  
衢州賊勢稍鬆仍當繞道回防玉山廣信等處方爲  
妥善石逆已至衢州撫建之賊傾巢而出江西何以  
久未奏報前諭耆齡酌調劉長佑等追剿亦未據覆

奏現在撫建機有可乘耆齡如撥兵攻其不備亦可  
牽制賊勢使不敢深入浙疆本日據王懿德奏浦城  
政和松溪復陷建甯可危閩浙交界處所賊勢猖狂  
石逆素稱驍悍未可因小勝而恃爲無患福興所謂  
江西兵耆齡何以屢催罔應豈不知浙省爲東南大  
局所關耶前諭江南江西兩路官軍歸福興調度徽  
州浙江兩路官軍歸周天受調度福興如往江西所

有江南撥來兵勇卽歸周天受調遣江西續到兵勇  
著福興商同晏端書酌量布置和春續撥參將和順  
等帶勇千餘名晏端書令其暫在嚴州駐紮仍當隨  
時相機調度不可以敢戰之兵徒爲防守之用其金  
華一路該撫仍飭余萬清督練嚴防毋許疏懈

晏端書又奏言該逆於正月二十九二月初一  
等日兩次攻撲南陵經周天受飭余永椿等擊

退後西路之賊又於十一日竄戴塘橋鄧紹良以南陵軍情喫重遂請周天受自涇縣移紮南陵卽將涇南各軍統歸調度時池州青陽各路之賊麕聚南陵自西北以至東南蔓延四十餘里逼近縣城周天受督飭徽甯將士分路勦辦並於城外修築營盤以資戰守十九日逆衆四面圍攻周天受迎擊斃其馬隊賊首該逆敗竄

而北欲內犯宣涇二縣周天受督王夢麟等各率所部將西北之賊轟擊過河斬斃溺斃者無數二十六日東西兩路之賊先後出巢周天受令吳再升等伏於街旁該逆渡至麒麟橋我軍衝鋒而出逆衆落水死者不計其數正擬進攻西路賊卡而西南兩門賊勢彌張周天受復親率廖士彥等分軍援勦賊乃大敗吳再升卽帶

方國淮等將西門賊卡六座一律踏毀時因浙  
省三衢告警張芾飛檄周天受回援卽經鄧紹  
良派副將米興朝接防南陵該副將於二十七  
日到防二十八日督同吳再升等攻毀西南賊  
巢頗有斬擒二十九日遊擊田應科等敗賊於  
七里橋鄧紹良以南陵之賊併聚東路意在竄  
入西河該提臣亦於二十九日親赴西河督勦



是日途遇馬隊賊匪衝撲而來當經擊退三十日秣陵關敗匪竄聚方村約二千餘人三月初二日過河內竄經總兵傅振邦擊退斃賊百餘名初五日進竄黃池經總兵蕭知音等擊敗南陵之賊於東路添築營壘並於北路潛撲官軍營盤米興朝帶同將弁分路截殺將該逆新築之卡焚燬並於北門外攻毀賊卡一座鄧紹良

西河之師亦於初六日攻毀賊壘二處查南陵  
軍務先經周天受疊次痛勦自米興朝接防後  
又連獲勝仗洵足大張撻伐此時傅振邦督防  
灣沚鄧紹良督防西河臣惟有聯絡諸軍乘此  
聲威會籌勦洗奏入報

初三日戊申勝保奏言臣此次督兵進援固始幸

獲全捷得保危城仰荷

寵命循省增慙除

賞還黃馬褂霍變巴圖魯名號爲

皇上特畀之恩未敢瀆辭至都統爲一品崇階職任最重自問報稱毫無未可疊膺

懋賞竊念臣母年逾六旬臣數載從戎久缺侍奉祇因

軍務緊要未敢以私廢公自臣弟廉保因案獲

咎遣戍新疆侍養益覺無人烏烏私情難安寢  
讀在廉保罪由自取荷戈遠役尙未足稍贖愆  
尤其家產分別查抄入官後又蒙

皇上准其罰賠免死逾格矜全已出分外又何敢代求  
寬典顧念

聖德同天體恤臣工無微不至凡臣子難言之隱皆可  
直陳於

君父之前可否仰懇

天恩將臣前次奉

旨以都統遇缺提奏之處卽予註銷

准將廉保暫免遠戍代臣稍盡子職臣亦可專意戎行

勉圖報效俟軍務稍平臣得以供職來京再令

廉保仍遵前

旨補行遣戍出自格外

鴻慈奏八

上諭內閣曰勝保之弟廉保因案遣戍本屬無可減免  
惟念勝保帶兵勦賊宣力戎行伊母年高無人侍奉  
廉保著免其發遣勝保前經奉旨以都統遇缺提奏  
之處並著毋庸註銷用示朕眷念勤勞施恩格外至  
意

同日官文都興阿胡林翼奏言皖省大股賊匪

於三月十一日竄至麻城之嚴家河遊擊李曙  
堂以五百人迎敵因衆寡懸殊爲賊所抄傷  
頗多賊匪竄入麻城署麻城縣知縣汪敦仁雖  
因督團先駐兩路口距縣城九十里未及救援  
究屬疏於防範應請

旨革職暫行留任責令隨營效力以贖前愆奏入得  
旨汪敦仁著革職暫行留任並隨營效力

初五日

庚戌

德興阿翁同書翰殿華奏言自浦口

克復後和州之賊瓦解

臣

等乘勝掃蕩芝麻河

賊巢數年堅壘一旦廓清凡力所能爲從不敢

稍分畛域乃和州旣復之後賊復來徧皖省副

將惠成鮑雲翥以賊衆兵單屢次乞援臣等以

和州兵勇共有三千餘名一面飭令力圖守禦

而派成明等分帶馬步隊三千名馳援並函



致福濟撥兵策應適准福濟來咨意欲專恃臣  
營援勦節節置守伏思廬州所轄各營每月餉  
需多於江北是廬營兵力比臣營較厚和州毗  
連江浦偶由臣等派援則可若欲久爲守禦竊  
恐力有未能此時成明等將抵和州猶恐該軍  
兵力尙單復派馬隊一百餘名步隊八百餘名  
由臣鞠殿華親督馳援以資攻勦

德興阿翁同書翰殿華又奏言據成明等稟稱  
三月二十六日行抵烏江探得和州賊匪數千  
人先在城西焚掠二十五日由北門竄入城內  
城外各勇營全行潰散副將鮑雲翥於是日打  
仗帶傷城北香泉集並城東北黃泥壩地方均  
有賊匪盤踞又據和州營守備陳連魁稟報賊  
匪有一萬餘人副將惠成所帶官兵六百名被

賊圍困危在旦夕各等語成明等卽拔營前進  
察看情形相機勦辦奏入

上命軍機大臣傳諭德興阿翁同書鞠殿華福濟德安  
曰和州旣復之後賊蹤又復竄入其城北香泉集及  
城東北黃泥壩地方均有賊匪副將惠成營盤被困  
業經德興阿派成明等帶隊三千名馳援並添派馬  
步各隊由鞠殿華親督前往加以和州現有之兵勇

三千餘名兵力已不爲薄自可勦散圍營之賊會同  
惠成鮑雲翥等攻復州城江北兵祇萬餘現在九洑  
洲攻勦喫緊前已撥兵二千名赴江南大營嗣又撥  
兵六百餘名往援徐宿此次因和州毗連江浦撥兵  
策應斷不能久留守禦況廬營月餉多於江北兵力  
較厚福濟等豈得專恃鄰省援師而擁重兵以自衛  
著卽撥兵迅赴和州援應俟克復後鞠殿華等撤兵

轍

回至江浦卽著福濟等派兵守禦和州毋蹈從前覆  
德興阿翁同書翰殿華又奏言九洑洲賊壘一  
座在江浦縣東南浦口正南正對金陵下關儀  
鳳門一帶該處江流最狹兩岸賊營與江中賊  
船聯成一氣臣德興阿相度地形因於附近之  
寶鳳莊池東紮營三座該處有寬河一道搭橋

過河又於沮洳葭葦中擇稍高之地紮營三座  
距賊營不過二里許又令水師參將黃彬等調  
戰船十六隻移泊九湫洲之西與岸上營盤相  
望三月二十二日臣等分督兵勇直撲賊營賊  
匿不出維時上下游水師並進隔江之下關賊  
營傾巢出援將火箭沿江拋放意欲燒我師船  
下關賊船亦聯帆進駛黃彬等一面轟擊賊船

集賢堂卷之三  
三十一  
一面進攻賊壘鏖戰三時賊始漸退黃彬等追至下關因風力漸微與陸兵一同收隊是日水師總兵陳國泰等駛近七里洲轟倒賊營望樓房屋數處正酣戰時下關竄出賊艘數十隻該鎮等揮令開礮迎擊轟沈賊划數隻斃匪無算現將瓜州所存礮位悉運浦口安設前敵各營礮臺以資攻擊奏入報

聞

初六日

辛亥

德興阿翁同書翰殿華奏言前據皖

省副將惠成鮑雲翥等以賊竄和州連稟乞援

臣等派成明等帶兵援應臣翰殿華復親往督

攻二十六日成明等先抵烏江聞賊匪與捻匪

共有數萬蟻聚和州卽於二十七日進兵黃泥

壩一帶賊衆數千分路來拒經成明等分投迎



擊斃賊二千餘名生擒二百餘名乘勝追殺官  
軍直抵城下附城賊營九座同時潰散鮑雲翥  
先已受傷不知下落惠成所帶滇兵一營尙在  
力戰見援師已至正擬會攻忽西路賊匪數千  
人自西梁山來撲適臣翰林殿華督隊趕到兩面  
夾擊斃賊數百人該逆始向西潰惠成得整旅  
而出臣德興阿當飭惠成收集皖省潰卒再爲

布置二十八日謀報和州賊匪分股來撲臣翁  
同書親督富明阿馬步隊馳往高旺分布要隘  
臣德興阿亦親督兵勇暨上下游水師力攻九  
洑洲因江流太狹勢連下關驟難攻克日暮始  
行收隊查蕪湖賊匪數萬渡江臣等派兵赴援  
幸獲全勝得以策應滇兵保全烏江惟全椒滁  
州皆形喫緊該處爲北竄要衝又爲浦口後路

東連六合在在堪虞臣等仍當確探賊蹤相機  
援剿

德興阿翁同書翰殿華又奏言臣等撥兵赴援  
滁州不意又有蕪湖大股賊匪渡江會合巢縣  
無爲州之賊由含山一帶竄入和州分撲全椒  
伏思江北兵力甚單但防賊匪北竄尙恐力有  
不繼乃皖境處處皆賊聽其所之一旦勢等燎

原實非意想所及況五河縣新爲土匪占踞睢甯戒嚴已慮其抄我後路目下賊竄全椒震動滁州不特六合喫緊卽浦口大營亦有腹背受敵之虞如賊果東趨則揚州儀徵等處紛紛告急縱有兵勇數萬不敷分布矧祇萬餘之衆何以禦之仰懇

飭下福濟迅撥援師遏賊紛竄之路以維大局奏入

上命軍機大臣傳諭德興阿翁同書翰殿華福濟德安  
曰昨據德興阿等奏派兵赴援和州當諭福濟等迅  
往援應並於克復州城後撥兵守禦本日據德興阿  
等奏援勦和州之兵大獲勝仗惟賊又分股攻撲全  
椒滁州亦爲震動情形緊迫請飭皖省迅籌堵勦等  
語賊衆分撲全椒已越和州而北設有疏虞勢將蔓  
延北路著福濟等迅卽派兵馳往全滁一帶截擊遏

其北竄再於全和要隘駐兵扼守以固藩籬至此股賊衆係由蕪湖渡江會合巢縣無爲州之賊從含山竄入和州分犯全椒總由福濟株守廬州按兵不動爲日旣久以致養癰貽患此時若再不能力扼要衝任賊長驅北犯自問當得何罪德興阿江北防勦喫緊鞠殿華等已剿除和州賊匪自應帶兵回至江浦儻聞全滁緊急仍著撥兵協剿

同日福興奏言該逆自被官軍擊敗後仍圖圍攻衢州郡城於三月十八日夜在大南門外偷築營壘欲包至小南門爲漸逼漸近之計臣商同饒廷選等派勇先赴小南門外扼紮時西路龔家埠之賊復竄偪北岸連日添紮賊營十餘座將包抄浮石渡各軍之後臣本擬俟江南大營總兵明安泰一軍到防會同臣北岸兵勇併

力扼擊乃該總兵甫經行次樟樹潭卽經周天  
受以東路賊氛竄至草嶼嶺等處恐其繞竄龍  
游將明安泰所帶各營盡數派往龍游駐紮現  
在北岸無從添派兵勇至該逆於龔家埠一帶  
築壘後復分股肆掠儻北岸各營被其堦圍不  
獨城中聲息不通更恐竄入壽昌進趨杭州此  
時惟有先將北岸賊匪剿除則衢郡之圍自可



鬆勁臣卽擬親督各軍剋期痛剿其城中守禦  
事宜業經總兵饒廷選道員繆梓等晝夜巡防  
妥籌布置

同日晏端書奏言據饒廷選等探報該逆於三  
月初九日至常山十五日至開化是該二縣之  
不守不問可知周天受於十八日夜由樟樹潭  
令榮陞以小隊渡河焚賊七卡方幸東路漸就

肅清詎龍游之大洲草嶺嶺等處已有大股旁  
竄而入臣卽咨周天受將明安泰一軍折回龍  
游當派副將朱承先等帶隊迎勦擒斬甚多餘  
匪竄往靈山周天受親帶榮陞等隊會同明安  
泰馳至靈山而前隊之賊已由遂昌一路而去  
未能攔出賊前查遂昌爲分竄金華處州要路  
該總兵當與明安泰從湯溪疾趨金華以圖迎

擊兼顧處州惟周天受一軍僅有三千餘名該  
總兵已抽撥千餘名帶赴遂昌兵力實單鄧紹  
良業將周天受指調之陳大富楊名聲王金魁  
三隊一千二百餘名派赴徽州現請張芾由徽  
飭赴樟樹潭會同防剿抑臣竊有請者浙省軍  
務方殷惟周天受久著戰功可以獨當一面此  
次抵衢以後剿辦均合機宜合無仰懇

天恩賞加提督銜俾資統率

晏端書又奏言賊由衢州竄入處州三衢之師  
已爲牽掣而金華嚴州又與衢處二府屬壤地  
緊接路路可通福興駐守衢州賊如下竄勢難  
兼顧周天受明安泰分扼內犯之路疲於奔命  
亦未能併力會剿萬一該逆乘虛撲入不但上  
游之溫台下游之甯紹均屬堪虞且自金嚴順

流而下直達杭州更無險隘可扼省城危迫情  
形不可終日臣與官紳晤商皆以此番賊衆傾  
巢而出全力注於浙省必得如湖南提督張國  
樑久震聲威方能卻賊瀝請奏調援浙以固大  
局查此時金陵賊已窮蹙和春督率諸將勦辦  
當無他虞而浙東賊勢狍猖萬難阻遏合無仰  
懇

天恩飭下張國樑親帶勁旅數千星夜來浙埽蕩賊氛  
則浙境可早臻安謐而於金陵攻勦事宜亦不  
至顧此失彼均奏入

上命軍機大臣傳諭福興晏端書周天受曰現在賊擾  
龍游已在衢州之下雖擊回遂昌而旁竄金華處州  
皆可直達省城福興擁重兵於衢州城外而下游扼  
勦之兵僅有三千餘名是又蹈從前株守信郡不顧

廣豐之故轍本日已將周天受賞加提督銜命其督辦浙江防剿事宜所有各路援浙之師均歸該總兵調度會同晏端書通籌全局分投布置衢州守禦事宜現有饒廷選繆梓籌辦而常開一帶尙屬空虛李元度一軍在玉山駐紮勝負未有消息且已在常山之外恐其兵力較單未能進剿著福興卽將原帶官兵五千餘名酌留一半交周天受調遣其餘一半卽

親自統帶回駐玉山以杜續來之賊並著就近勦辦  
常山賊匪儻再有貽誤自問當得何罪周天受旣經  
統領全軍事權歸一卽應擇要布置會同晏端書妥  
爲調度衢州存兵尙屬不少卽責成饒廷選嚴加防  
守相機出勦以清浙境晏端書奏請飭張國樑統兵  
赴援等語金陵圍勦功在垂成統兵大員恐不能遠  
離况浙省軍務現派周天受督辦自可毋庸張國樑



赴浙也

上諭內閣曰西安將軍福興督辦江西東路軍務當撫  
州賊匪紛竄該將軍駐兵弋陽不能堵禦遽由河口  
鎮退守廣信迨賊竄廣豐又不撥兵追剿以致江山  
失陷衢州被圍實屬有負委任福興著拔去花翎革  
職留任以示薄懲儻再不知振作定卽從嚴懲處  
上又諭內閣曰署福建漳州鎮總兵周天受著賞加提

督銜督辦浙江防剿事宜

初八日丑癸德興阿翁同書翰殿華奏言和含賊

匪於三月二十八日撲陷全椒縣城是夕卽有  
大股馬賊竄至滁州尋亦被陷來安等處警報  
絡繹並有窺竄六合之謠臣等因六合係大營  
後路東通揚州餉道防剿緊要急派馬步勁旅  
二千名交富明阿暨副將鄧鳳林等管帶馳赴

六合又因徐郡情形稍鬆卽調穆克登額羅玉  
斌所帶援兵折回六合防勦一面飛飭副將毛  
三元派兵分駐揚城西北以資控扼本月初一  
日來安警報踵至臣等以賊匪數萬蹂躪皖北  
如入無人之境顯係圖撲六合斷我餉道若遷  
延不擊不特來安六合岌岌可虞並恐南犯揚  
郡北震清淮於大局殊有關繫惟有乘其未定

極力攻勦或可挫其兇鋒因定分路進勦之策  
臣翁同書擬卽馳往六合親督富明阿等暨六  
合縣知縣李守誠一面守護六合一面進勦滁  
巢臣鞠殿華親督馬步隊二千名由小店進至  
烏衣前往滁州會勦臣德興阿嚴扼浦口以遏  
北竄仍督攻九洑洲並派成明防護江浦縣城  
其高旺之兵仍令富春英貴統帶嚴防西路至

纂要卷一百九十二  
三  
皖省副將惠成所帶滇兵遇救得出重圍現今  
隨同防勦酌給口糧俾免潰散奏入

上命軍機大臣傳諭德興阿翁同書鞠殿華福濟德安  
曰現在賊踞滁城來安等處情形喫緊並有窺伺六  
合之意若不乘勢殲除不特來安六合可慮並恐清  
淮震動現在翁同書鞠殿華已帶兵追勦著福濟迅  
速派兵繞出滁州後路併力翦除毋誤事機本日已

諭勝保酌撥兵勇由臨淮一帶會扼滁州後路惟該處距滁州較遠黃元吉因五河失陷帶兵會勦恐兵力不敷仍著福濟會同德興阿等迅圖克復以杜北竄

同日勝保袁甲三奏言據報粵逆竄踞麻城楚兵進勦均在東西南三面圍攻惟北路空虛並無兵勇恐該逆由此突竄等語查該縣北面與

豫境光商一帶毗連豈可再任竄逸且光商爲  
豫省門戶卽爲北路咽喉豫省並無重兵駐守  
一經闖入滋蔓難圖臣等進攻六安正當喫緊  
勢難兼顧除飛咨河南撫臣英桂速催總兵邱  
聯恩帶兵馳往光商扼堵外仰懇

飭下湖北督撫臣迅將竄踞麻城之粵逆合圍兜剿勿  
令乘虛突竄奏入

上命軍機大臣傳諭勝保袁甲三曰粵逆竄踞麻城楚  
兵均在東西南三面北路空虛恐該逆由此竄突已  
諭知官文等迅將竄踞麻城之賊合圍兜剿現在邱  
聯恩已帶兵馳往光商勝保仍當迅咨該總兵扼要  
堵截毋任竄擾豫疆和含賊匪竄撲全椒滁州亦卽  
被陷該處清流關爲南北咽喉前次賊匪北竄卽由  
滁入豫現在臨淮有黃元吉等帶兵會攻五河著勝



保添撥兵勇卽由臨淮進扼滁州後路以杜北竄

上又命軍機大臣傳諭官文都興阿胡林翼曰本日據勝保等奏賊踞麻城楚兵進勦在東西南三面惟北路空虛恐該逆由此北竄等語麻城與豫省光商一帶節節毗連該處甫經被擾若該逆乘虛北竄又被蹂躪邱聯恩赴光州防堵所帶兵勇爲數無多官文等現調水陸馬步各軍分道進勦自應四面兜圍爲

就地殲除之計克復麻城後如有旁竄餘匪務卽跟蹤追剿杜其北趨著官文都興阿胡林翼卽飭舒保等實力堵剿

同日

上諭內閣曰托明阿著賞給三等侍衛前往勝保軍營  
隨同剿賊以贖前愆

同日

上諭內閣曰西安將軍福興前在江南失陷營盤業經革職留任拔去花翎此次督兵防剿又復遷延貽誤著卽革職仍暫行留任帶兵剿賊以觀後效